

Muxe U Amukele Xiavelo Xo Hlawuleka

Swiletelo: Endla xitloveto lexi endhawini leyi nga riki na pongo. Loko u hlalwa matsalwa, tianakanye u ri eka xiendlakalo xa kona. Xi vone hi mahlo ya mianakanyo. Twana leswi vanhu va kona va swi vulaka. Titwe hi ndlela leyi va titwaka ha yona. Endla leswaku rungula leri ri hanya.

Swimunuhatwa-nkulu: Yehovha Xikwembu na Muxe

Nkatsakanyo: Yehovha u lerisa Muxe leswaku a rhangela Vaisrayele leswaku va huma aEgipta.

① VONA XIENDLAKALO XA KONA HI MAHLO YA MIANAKANYO.—HLAYA EKSODA 3: 1-14; 4:1-17.

Hi mahlo ya mianakanyo, hlamusela ndlela leyi xihlahla lexi pfurhaka a xi languteka ha yona. _____

Xana u anakanya leswaku xikandza xa Muxe ni rito rakwe a swi ri njhani loko a twa marito ya Xikwembu lama tsariweke eka Eksoda 3:4? _____

Xana u ehleketa leswaku rito ra Muxe a ri ri njhani loko a ri karhi a vutisa Yehovha hilaha swi tsariweke hakona eka Eksoda 3:11, 13 na 4:1, 10? _____

② ANAKANYISISA SWINENE HI MHAKA LEYI.

Hi ku tirhisa swilo swo endla ndzavisiso leswi u nga na swona, kumisisa leswi engetelekeke hi xivulwa lexi nge, “Ndzi ta tikombisa ndzi ri lexi ndzi nga ta tikombisa ndzi ri xona.” (Eksoda 3:14) Ha yini Yehovha a hlamule hi ndlela yoleyo eka swivutiso leswi Muxe a a ri na swona malunghana ni vito Rakwe?*

* Timbhoni ta Yehovha ti kandziyisa tibuku ni tibroxara to tala leti nga ku pfunaka leswaku u anakanyisisa swinene eka ku hlalwa ka wena ka Bibe. Leswaku u kuma rungula leri engetelekeke, tihlanganise ni Timbhoni ta Yehovha ta le ndhawini ya ka n'wina, kumbe u tsalela vakandziyisi va magazini lowu.

Ha yini u ehleketa leswaku Muxe a a kanakana ku vulavula na Faro? (Lexi nga ku pfunaka ku kuma nhlamulo: Hlaya Ti-nhlayo 12:3.)

Ha yini Muxe a nga ha vaka a kanakanile ku vulavula ni Va-israyele-kulobye?

3 TIRHISA LESWI U SWI DYONDZEKE. SWI TSALE EHANSI LESWI U SWI DYONDZEKE MALUNGHANA NI . . .

Mboyamelo wa munhu wo kayivela ku titshemba.

Ntshembo wa Yehovha eka wena ni vuswikoti bya wena.

SWIN'WANA LESWI U NGA SWI TIRHISAKA.

Xana hi le ka swiyimo swihi evuton'wini bya wena laha u nga titshebiki?

Xana Yehovha Xikwembu a nga ku tirhisa hi tindlela tihi ku nga khathariseki ku tsana ka wena?

4 HI WIHI NCHUMU WA NKOKA LOWU U WU DYONDZEKE EKA RUNGULA LERI NASWONA HA YINI?

Leswaku u kopa kumbe u printa xihloko lexi, nghena eka Web site ya www.jw.org

